


## Рабигуль аввал базлизиб мавлид бирни

Мавлид—ил Мухаммад идбаг ﷺ акниличи разидешла байрам барни саби.

Мавлидличи лехирхъути Идбагла ﷺ тамашала Гямрула мурхъдешлизи хербизес бирар. Идбагла ﷺ балликъянабала Гямруличила ва баркъудлумашила багъес имкан лебниличи хулдиклули ахенрав? Илди ва илдачи мешути цархилти суалти сунела хяланала яра урхила хяланала ясирли ветхеурси яра хамдешли кепхерибси бусурман адамлизи дедалли, илис гъанбикес асубирар ну мехлуриубли ахенрав или. Ил бетаруси саби, сенкун гъарли-марли бусурман адамгазир илдигъунти суалти алктули хедирар ва илдигъунти суалтас жаваб бедлугес хяжатдеш алктули хебирар.

Ибрагим Ибрагимов

Илдигъунти суалти ахъдуцахъес нушачи чебуркъахъуб цацабехі адамтани мавлид шаригъатла хъулчнечи ва къяйдуртаци балбикибси ахен или бурули аргъибхели. Цацахели илди хатгализи бикибти адамтани чули буриси марбарес къасличил Къуръайзиради аятуни ва Идбагла ﷺ хядисунни гъандуршули бирар, чянкли илди гягнисни тяхярли баянхедарили яра гъарацли баяндирули. Чинаб сабил бархъдеш ва чинаб сабил хатла бархъли хясиббарес лебилра бажардихебиркни хисаблизи касили, динна узбани тиладибарни хясибли нуни къасбарира мавлидла хекълизибси суал шаригъатла умцантаци кабихъес. Къудратла Веги Аллагълара ﷻ ва илис дигуси Мухаммад идбаглара ﷺ гъалар хъардиркути жавабардешла лебилра битлакра хисаблизи касили, гур динна узбала гъалар ва дила гъалар набчи хъардиркути жавабардешра иргъули, ну васвасиклули ахенра ил суалла чебкад чула пикри бурес лайикъти бахъал гялимти лебниличи ва илдани ил бурниличи вирхулра. Марлирагу, ил гъазаватли нушала узбала ва рузбала гъалаб Исламла чебахъдеш гъаргибуру, ва къиямалла бархли умцантаци нушала баркъуди



бегларам умутчебси дехли бетарар. Аллагъла Расул чевяхъирути дархъти секлал дурухели ну чебахъси судла бархиралерилра хушачил варх Идбагла ﷺ байрахълиув виэс хуликлула.

### Сагадеш сабира мавлид?

Цаибил яргалис баянбирехе мавлид Идбагла ﷺ замана агарси сагадеш саби или васвасиклутала пикри. Хядисунала шайчивси машгурси гялим имам аль-Хяфиз Сахавини бурни хясибли, Ислам тинтбирес бехлихъибхейчирад 300 дус дикибхели, бусурманти мавлид саби или мажлисличи цалабиркес бехлихъибтири. Дуб-дубли мавлидуни дунъяла лерилра мераназир булан дирес бехликабихъиб. Къуръаннизиб ва хядисуннизиб мавлидуни дурадуркниличи къаршиси селра агни ашкарбиубхели, машгурти

гялимтанира имамтанира мавлидуни дурадуркни гяхъси баркъуди сабливан къиматлабариб. Лебилра улкализир мавлидуни дирес бегі гъалав вехлихъибсири халиф Малик Музафари Гъижрала урег-ибил даршдусла ахирлизив. Илала баркъуди гапбариссири Ибну Касирли. Асубирар, саби «Мавлид» ибси дев динна шайчивси белгиси гядатла у сабли биэсра. Амма мавлидла мягна сай Идбаг ﷺ мицирли левалхелира лебсири. Сенкун мавлид Къудратла Веги Аллагъли Мухаммад идбаг ﷺ расул варили вархъниличил бархбасунси саби. Ил анцбукъличи разидеш балахъуси байрам саби ил. Ил сай левхели сабригу ил вархъниличил бегларам разибубти. Масала, чини эс вирара бусурманти белгиси мерличиб цалабикибхели, Расулаллагъ чевяхъирули гъайхелики или? Илхели сарригу балга-дугла дирути, Къуръайзирад сураби дучлуги, аятуни баяндирути.

## Номерлизир:



бяхі 4

Някъ уммайбарни – Исламлизиб хурматбирнила лишан



бяхі 6

Дехлибала дархъдалтусилис лугути гъазабтачила баян.



бяхі 7

Зикрула дурхъадешла баян

## «Аллагъла расулти» сабира илди?

Бахълис хясибдиубли дургар журналтази, газетабази кадахъибти, телевизорлизирад дурути, интернетлизи мерладарибти яра шагъарла къакъурбазир черяхкахъибти ишдигъунти багъахъниби:

«Хулушагахъни, цударварни, сикру дарили бархъибси изала, жинс-къамличисни лягнат ва цар-хилти вайдешуни хушачирад черу сикрукъа Аминатли», «Хед дигуси хела шайчи витлакес, цархил хунуйчи арякъунси

мурул култетличи чарварес, юлдашлагнаба (ригнаба) кевасес (керасес)... кумекбиру палчи Индиранни».

Патимат Шахбанова

Уми, гъай-гъай, пикридарибти сари, амма анцбукъ илизиб ахен. Палчиби-сикрукъабачи кумекбарахъес дугъабилзуги саби гъарил киэсил-хябсил адам. Илдачи гъабаклес, Гямрулизиб челуку-

силличила, къисматличила хъархъардяхъес хейгути камли къаршибиркур. Ашкарливан, илдачи башути имцаливан хъунул адамти саби. Палчиби-сикрукъабачи дугъабизуртала бахъалгъунтани бурни хясибли, «Гямрулизир гъар секлал илини дурибгачил цугли детарули сари». Къаршидеш агара... Или биэсра асубирар, амма ил пикриличил дирхаахелли, палчибани, «челябкъуси балутани», сикрукъабани, адамла

хял-глабигъат гяхил дяркъурти сари. Ца херличибли илдани бала, «клиент» сегъуна хяйчив саял. Иш масъалализир дахъал хергъути секлал лер. Пядатлибуубли, пал буршухели, сикрукъабани дурути имцаливан цадахі дугъби сари: «Хела гямрулизиб мягничебси анцбукъ бетарар», «нургъби ва деці чедиш», «гъарахъси гъуни хлечи херли саби», «ца адамли хлечи дигай дирхъу» ва цархилти.

бяхі 5



## Хияжлизн — чянклин мискинтицун

Сенатор Сулейман Керимовла уркецила кумекличибли гянна чумал дус азирти бусурмантани Исламла чарагарси чебла — хияж — ихъули саби. Ишдуслизир (2012 ибил дуслизиб) хияжлизн бурхъни хянчи заманаличир ва хулчидан детурхули сари. Ганналаубал хияжликъянабала лерилра къукънала руководителти белгибарил саби. Хияжлизн хулбиклутас беклибиубси шарт — гур чала бушахъес багъандан гъачамалра хияж дурахъеберкибти, илкъяйдали беклахъличил камли глебуцибти ва зиярат барес беклахъудила имкан агарти адамтицун декларбарес багъандан, гярза бедни уркецила хияжлизн зияратличи букъяхъести адамтала луги 2002 ибил дусла переписъла баянти хиясibli белгибарил бирар. Чала бушни — хияжликъянаби биклес беглара гялхси ва хялалси жура саби. Илгъуна тяхяр пайдалабарнил хияж барахъес Чевяхъси Аллагли ☞ гъалахили белкунти адамти декларбихахъу. Пергъити 2 дусла духинар Дагъистайзир уркецила архябачи хияжликъянаби баягъи ил тяхяр хиясibli сабри башути. Оргкомитетла заседаниеличиб бурил къяйда, чала буршниличн мискинти ва беклахъудиласал имканти агартицун жибарни къелгелбикес гягъили саби.



Мяхячкъалала шагъарла жумягъ бархила бек мижитла имамли бурни хиясibli, чала буршнилизир бутлакъяндеш дирутала гярзаби къабулдирухъели адамла арадеш пикрилизн касес гягъили саби, сенахъенну декъти излума беглас хияжла гядатуни дурадуркъес дебали къиянбулхъан. «Хияж — тухтуртас ибкъти агихялла балбуц саби. Амма нушани аръякъунси дуслизирра нушазирад гягъити лерил секлал дарра, иншааллагъ, ишдусра хияжликъянабала ва уркецила рейсани гъунчидиркахъутала игъдбар марбарес къайгъибирехъе», — багъахъур Мяхяммад Маммаевли.

islamdag.ru

## Шагъадатла мягъна се саби...?

**Шагъадатла мягъна саби:** Хуни урки кабизахъурли, багъурли бикъридеш дарни гъандушибти далилтачибли, мухлини бурилн, уркини къабулбарилн, бирклантани гямам барилн, хлекъли Сунес лагъдеш дарес чебси ца Аллагъ ☞ ахъенси, чилра агара — или.

Ислам Хиямзатов  
islam\_gamzatov@mail.ru

Хлекъли, кабизурсн тахярли Аллагъ ☞ вагъурли, Сунела хурмат буънилизивадли урукъни, Сунела гъимидухънилизивадли урукъни, Сунес мутигъили виъни, Сунези тиладивикъни, Сунени амру барибси барни, Сунени нагъю барибсилзивадли чарвиъни ва Иман—Исламла рукнурти дузахъни, ишди лерилра дарни, Аллагълис ☞ глебадат—гягъат барни саби. **Къиэсил шагъадатла мягъна саби:** Хуни Мухяммад идбагличи ☞ урки кабизахъни, ишди геларад гъандушибти сифатуначил: Гябдуллагъ бикъуси дудеш, Аминат бикъуси неш. Маккализив акъубси, гъижра барилн Мадинализн гечибси, илав хяррира вихъибси, Аллагъли ☞ сай халкъ тавхидличи (Аллагъ ца варниличн) жи барахъес вархъибси. Буриси гъай бархъси, хлекъси ахъенси хебуриси, лебилра халкъличи, жиндрачи, хятта малайкуначира Идбаг ☞ сайлин вархъибси. Лебилра махлукъатличи сунес гелерад арбукъни Аллагъли ☞ чеббарибси, сунечи инкарсила иман Аллагъли ☞ къабул хебиурсн, иличи инкардеш Аллагъли ☞ лебтасалра хяррам барибси, ил дигахъес Аллагъли ☞ лебилра халкълис чеббарибси, халкъла велара дурхъаси, сай Идбагли ☞ вархъни беглара пергъи биалра, сунела нур беглара гъалаб акълахъубси, сай идбагунала хатимли виубси, сунела дин насху барилн, сунес пергъи Расул херхъибси, Рисалатла амру, Аллагъли ☞ хъарбарибси тахярли халкъличи баахъибси, Писа идбаглира ☞ ванзаличи чарвиубхъели илала шаригъят бузахъуси. Мигъражличн укили Аллагъли ☞ сунес «Хябиб» или ура бихъили, сай халара варибси. Сунела равзаличи зиярат барибсилн шафагъат чеббарибси, сунечи ца салават бушибсилн Чевяхъси Аллагъли ☞ вецлал салават дуршуси. Чули Аллагъ ☞ вагъни гъалаб бирути адамтас сай дахъимцлал сайси, сай вагъни Аллагъ ☞ вагъниличн вагънилн сабабли барибси. Ишгъуна Иман—игътикъад Аллагъли ☞ Мухяммадла ☞ умматлис ризкъили бараб. Амин Аллагъ, Я Аллагъ! Хядисла имамтани кабизахъурли пергъи Идбагла ☞ хядисличил гямам хебарни, гелерад хешни, — ил бетарар Идбаглис ☞ гелерад вашули хейъни. Аллагъли ☞ дихъяба илизирад. Аллагъли ☞ нушала Идбаг ☞ хасварилн сай, гъай къантла, мягънурби дахъал иргъахъуси гъайличил гъайвикъниличн. Идбагла ☞ хядислара, Къуръаннара мягъна илдала агълуни ахъенси хебала. Ил багъандан, чянклин тафсирла ва хядисла имамтани Сунес барибси мягъна саби нушаб бархъси мягъна. Амма гъар адамли сунени аргъни, сунени багъни хиясibli биурсн мягъна или викъадли, илини ил балкъси гъунчи арку. Аллагъли ☞ дерцахаба илдигъунти мягънурби дарнилизирад ва илдигъунти мягънурби дирутала агълулизирадла. Ил нушала Идбаг ☞, сунела нафсла шайзивад цалра гъай бурилн гъайхъевхъун, Аллагъла ☞ шайзибад вахъюличил бакъибсилнливи ахъенси. Умматлис манфагъат лебси, Аллагъли ☞ сунези хебагъахъурсн ва сунени умматличи хебаахъибси селра секлал кахъелун я дунъяла, я ахиратла.

## Къакъамахъилизиб мавлид бирар

Ахъерти узби ва рузби, 2012 ибил дусла февральла 4-личиб Лавашала районна Къакъамахъила шилизиб Идбаг ☞ акънила бархилис багъишлабарибси мавлид дураберкилил бирар. Илала бутлакъянчибани итил дунъяличила дахъал багъуддуми касес бирар. Илаб гъайбулхъан Исламла гялимти. Илдазирад дахъал секлал дагъес ва суалтас жавабти касес виарар. Лебилра хулбиклутн жибирули саби. Мавлид савли сгъят 9-личиб бехъибирхъур.



## Мавлидунн гялхил дучинла шайчир абзани дурадуркъл

Дагъиста Бусурмантала Динна Управлениели балахъуливан, бусурманти-ургар Мухяммад Идбагличила ☞ мавлидунн гялхил дучинла шайчир республикала даражала конкурс дурабуркълнличили балахъули саби. Мавлидуннала конкурс дурабуркълнлизиб халаси пайда леб. Цаибилгъуна, Мухяммад Идбагличи ☞ диги чедаахъни. Илкъяйдали ил конкурсла мурад саби Дагъиста бусурманти-ургаб гъалмагъдеш ва цаличи цала сабур уржахъни ва дебадиахъни.

### Конкурсла беклибиубси къйда:

1.Конкурсличир бутлакъяндеш дарес виарар 15 дусла гямуруличивад шалгъевухъунси гъарил хуликулсини, гъарил районнизивад 3-личн бикайчи адамли.

2.Бутлакъянчибани 5-7 минутла гекъаси мавлид мицъирси гъамаличил бучла (музыкала гягъниахълуми ва фонограмма агарли).

### Конкурсла манзилти:

I-ибил манзил: январьла 15 -20 шимала;  
II-ибил манзил: январьла 20 февральла 1 районтала;  
III-ибил манзил: февральла 1-20 республикала.

### Конкурсла шуртлри:

-конкурс дурабуркъл ил гъунчибуруси комитетличи дакъибти заявкаби хиясibli;  
-республикализиб дурабуркълнли манзилли-зиб (ил къел бутгаличиб дурабуркълнли саби - гялхитигъунти бутлакъянчиби декларбирнила ва финалла) районнизиб чедибикъитани бутлакъяндеш дируги сари;  
-финализиб гъарил мавлид 4 бутлакъянчини бучла.

2012 ибил дусла февральла 5-личн бикайчи заявкаби къабулдируги сари иш адрес хиясibli: ул. Дахадаева, 136, зал торжеств «Сальва», 3 этаж.

### Къимат кабалтгнила шуртлри:

- 1)мавилдла бухънабуц;
- 2)белчъинила устадеш;
- 3)мавилд бучъинлизиб сагадеш.

Кокурсла баянти кайухъели I,II,III ибти мерани сархити къиматчерти савгъвтуначил шабагъатлабиру.

### Конкурс дурабуркълнли мер ва замана:

Конкурс дурабуркълнли ИТМО-ла актанала залли-зиб пергъисн адрес хиясibli: г.Махачкала, ул. Аметхана Султана, 10-й км, район ДСК.

Тел.: 94 00 60.



**Учредитель**  
Благотворительный фонд «Путь».  
Газета печатается по согласованию и одобрению Духовного управления мусульман Дагестана

### Редакционный совет

Председатель редакционного совета муфтий РД  
Ахмад-хаджи АБДУЛАЕВ  
заместитель муфтия РД  
Мухаммад ДАВУДОВ

**Главный редактор**  
Айна (Патимат) ГАМЗАТОВА

### Редактор

Ислам ГАМЗАТОВ

### Канонический редактор

Мухаммад ДАВУДОВ

### Корректор

Нурулгъуда РАЖАБОВА

### Дизайн, вёрстка

Лейла ГУСЕЙНОВА

**Менеджер**  
Абдусабир АХМЕДОВ

Газета зарегистрирована  
Федеральной службой по надзору  
в сфере связи, информационных  
технологий и массовых  
коммуникаций.

Свидетельство о регистрации ПИ № ФС  
77-42079 от 24 сентября 2010 г.

При перепечатке ссылка обязательна.

Набрано и сверстано на компьютерной  
базе газеты «Ас-Салам».  
Отпечатано в ООО «Дом печати»  
по адресу: пр-т Акушинского, 20.

Заказ № \_\_\_\_\_

Сдано в печать 13 января 2012 г.  
в 20:00

Тираж 2.500 экз.

### Адрес редакции

367015, РД, г. Махачкала,  
ул. Азиза Алиева, 2.

По вопросам подписки и доставки  
обращаться по телефонам:  
по Республике Дагестан — 8-988-699-28-24  
по г. Махачкале — (8722) 914-222.

E-mail: assalamweb@gmail.com;  
www.assalam.ru



# Рабигуль аввал базлизиб мавлид бирни

1 « Илдигунти дирути ахенри виклес вирар Исламлизиб селра хебалуси адамцун. Эгер илди Мухаммад идбагла ﷺ замана мавлид ибси дев бузахъуси ахенри или кабизурли биалли, динна литературализир пайдаладирути гяхидеш терминтазирад гелумдизес чебиркур, сенкун итхели илдир лерти ахенри. Илдигунтазирад сари «**фикъги**», «**тафсир**», «**мусталахул хиядис**», «**усул**», «**маглан**», «**мантикъ**», «**нахиви**», «**сарф**» ва цархилти. Нуни ишар гандушибти уми сай Мухаммад идбаглис ﷺ гьегъи дагъардиубти сари, амма илдани иргъахъути гилмурти Мухаммад идбаг ﷺ мицирли левхелира лертири. Лерилра сагадешуни къадагъадарес вируси ахен, сенкун гялимтази гилмула жузи хелуклахъни бархъси хебирар, исламла белчудила заведениеби хебхъес гямал хебирар, мижитунни лшес хияжатдеш леб, бахълизи мягъни-хиял далахъути гягъниахълуми динна мурадуназира пайдаладирес хияжатбиркули саби гъанна. Гъай-гъай, илди ва цацадехи цархилти секлал сай Идбаг ﷺ мицирли левси замана лерти ахенри ва диес хедири. Ишбархи микрофонти пайдаладирула гъайдикухъели. Гъалар илди агартири или гелумдизес асухебирар къалли илдазирад. Маккализирти ва Мадинализирти мижитунни мармар къаркъала гьенбачли жагадариб. Типографиябазир Къуръанна жузи дураули

сари. Къуръан бучни гьамадбиахъес ва бучлуги гъарацХебиркахъес хияракаби лукъескабиб. Исламла конференцияби ва цархилти гъунбаъниби дурадуркули сари. Иракъла шайчибад хияж барес башутас «микъат» белгибарисир ва кабизахъурсири халиф Пумарли—Идбагла ﷺ бегълара хурматла иккалачибазивад цали. Лерилра чедир гъандушибти секлайчил бусурманти гъанна пайдалабирути Исламлис гяхидеш багъандан саби, амма илди секлал идбагла ﷺ замана лерти ахенри къалли. Мавлид сагадеш саби, ил къадагъабарис саби биклутани лерилра чедир гъандушибти секлалра урдирхъули диес гягънитир, илгъуна анцбукъллизир. Нушала Идбагли ﷺ къадагъадирути лерилра секлал далуги гялимтани ва имамтани бурули саби: **Идбагла замана агарси яра къадагъабириси, Къуръанничи ва хиядисуначи балхебиркуси, лерилра мазгъабунас хълчи кабихъибти дурхъати гялимтани маслигътидирути секлайчи далхедиркули яра къаршили дурадурхъули диалли, илди хиярамти сари ва къадагъадирибти сагадешуни сари. Амма Идбаглис ﷺ гьегъи аклуги ва Къуръанничира хиядисуначира далдикибти хурматла имамтани ункъли чедайбти лерилра секлал гапличи лайикъти сари ва гяхиги сагадешуни сари.**



Илкъайда виклули сай нушала чевяхъси имам Шафиги. Лебилра дунъялис машгурти гялимти – имам Навави, имам Гъазали, Ибну Хаджар, Пизу бну Гябдусалам, Суюти, Тажутдин Субуки, илдачил къабулли сай Ибну Таймия. Мавлидличила бурухелира Къуръайзирад ил гьебурчуги аятуни кес вирар, мавлид къадагъабарис сагадеш саби биклуги хатлабиркули биънилис бикъридеш дирути хиядисуначира гъандушес вирар. Мавлид асухебириси сагадеш саби биклугала гъай селилра мардирули ахен, ил хатлала пикри саби. Илдани чули буруси марбириси селра гъанбушесалра бирули ахен. Идбагли ﷺ сай аклуги бархи чебяхъимабирида ибси

ахенри. Ил бирахъес я къадагъабарис саби ахенри. Къадагъабарисилизи халбириси саби сай Идбагли ﷺ барес асухебирисилизи халбарисисун, илини сунечила селра хебурибси ахенну. Къуръаннизиб бурили саби (мягъна): «Хушаз нагъобарисилизирад гъарахъли дуэная» («Аль-Хашр» сура, 7-ибил аят). Исламла машгурти гялимтани бурули саби: «**Мавлид—Исламлизиб багъарбиубси гяхиси гядат саби**». Дурхъаси хиядислизибра бурили саби: «**Исламлизиб гяхиси баркъудилис хълчи кабихъисилис гяхидешуни дирути сари ва илала гьибрат даимбарибтас Къиямалла бархи сабаайчи гяхидешуни дирути сари**». (Муслим).

# Дехибала дархъдалтусилис лугути гязабтачила баян

Аллагъ ﷺ виклули сай ишди аятуназив: «Гъанбушибте идбагунала галекан вайте адимте калун, чуни дехибала далугте, яра диру аргъизекан гела ардухиле, Аллагъис бируй гьабатлизибад, къаркълумас дигути гьиси анцбукъуни дирес кабурхуги. Ихти гъанбушибте адамти Гъайю биклай мерлизиб бирар, тавбу дариле гъар вайсиллизибад чархъабали, иманра сагабарили, ахъси гямалтира дарили». Мужагъид ва Къатадат ﷺ ихдани иб: Их аятла мурад нушала умматла адамти саби.- или.

Къурбан хияжи Аль Цудахъари

Ибну Гяббасни иб: Гъайю буклуги – Жагъанамлизибад ца къада саби, сунела буцардешизекан цацаралте къадурбе Аллагъизе гъар бархи азирна тилади дулхъан, их къадализекан хуни дерцахъаба, - или. Их къадала дехибали хедирути адамти ахъинтира, зина бирути, держни бужути, рибала арцайсуги буршуги саби. Идбагли ﷺ иб: «**Бусурманталара капурталара ургаб дехибала сари**». Къас бариле (инкар икълуге) дехибала хадарили датале, кафир урар. Идбагли ﷺ иб: «**Дехибала анцбукъ кункли хисаббарили, магъни агар барили дехибала датали, Аллагъли ил адамлис 15 сиклайибли гякъуба луга: 6 – гякъуба дунъялизир дедлуга, 3 – убкълугели луга, 3 – хияблизиб луга, 3 – хияблизибад арцухъели дедлуга**».

Дунъялизиб бедлугугала уреганра ишги сари:  
1) Аллагъли гямрулизибад баракат убису  
2) Ахти адамтала дяхълизиб бириси нур, убисуси саби.



- 3) Гъар барибил гяхъси гямал Аллагъли къабул бириси ахен.
- 4) Барибил балгалис, Аллагъли жаваб хлабиру.
- 5) Дунъялизив лебилра халкълис душманни ветарар.
- 6) Ахти адамтала балгализибад сунес бутла хлабирар.

Убкълугали лугути хябалра гякъуба:  
1) Цакъли убхъидешличив убклар.  
2) Цакъли гушли убклар.  
3) Дунъяла лерилра шин держаллира милигли убклар.

Хяблизир дирути хябалра гякъуба:  
1) Хяблиз ихъибхели хяб гъачбуле, бургунте цализе-ца духънадурхъу.  
2) Хяблиз ихъибхели хяб цали

бицлахъили, гязаб урклу.  
3) Шужагъ-акърагъ биклуси ца хулал чиччала суратизиб бирхъахъули, ца жан бархъаили, Аллагъли ихичал гязаб урклу.

Хяблизикан дураурхъули лугути хябанра гякъуба:  
1) Жагъанамлизис уршухъали дяхъугли хъусварили уршу.  
2) Хисаб-суал айсухъали цакъли Аллагъли гьимиллизис айсу.  
3) «Жагъанамлизис лайваккая!» - или Аллагъли амру биру.  
Идбагли ﷺ иб: «**Ца адамли, къас барили, дехибала дархъдатли или дехибала датали, гямал агара их адам Жагъанамлизис хавкъес. Дехибала датес или къасбарибхали, Жагъанамла унзалике их адамла у лугла**» - или.

Идбагли ﷺ иб: «**Дехибала хладируй адамлис закят бедес асухабирар, ихичал катмадирудая, зубрузибад Аллагъли лягънат бурушули сай, их адамличис**» или.  
Дехибала хладириси адамлизис къиямала берхи Алжанали гьамадиру: «**Ху дила агълу ахенри, гъарахъвике**» или. Жагъанамлира вьявйру: «**Набчи ваши, ху дила агълу сайри, Аллагъли ху дила ухънав гязаблизис уршуси сайри**»-или. Анас ибну Маликли ﷺ иб: «**Идбагла рухъ билтлугъели Идбагни хъарбирули виубли сай, вари дехибала мадалтадая, хушала агълулис ахътедишрая, васиятунни дирули рухъ дурадурхъуле сари**». Абу Гъурайрат биклай асхабни иб: «Ца адам эбкъили, Идбагли ﷺ их адамике жаназала дехибала дирули виубли сай, бихъри-ла духънализиб ца секлал шишбухъи саби. Дехибала таман дарили, Идбагли ﷺ гъаргвариле херъиле саби, их адамла хъяблике бергуле, хини бужули, ца хулал чиччала баргиб. Абубакар асхабни их чиччала кабушес гъамвиуб, чиччалани фасихил мезличиб гъайбухъун: **Ашгъаду аллаилагъа иллаллагъ ва ашгъаду анна Мухаммадан гябдугъу ва Расулугъу**- или.  
Иман шагъадатра ардухъибни чиччани иб: «Я Абу бакар Хуни ну кабушес сен гъамвиусири, набзибад се бунагъ лебси. Ну Аллагъли баршибда къияма кадизайки иш адам гязабверкхъес.» Абубакар асхабни иб: «Иш адамла бунагъ се саби» или. Чиччани иб: «Иш адамла хябал бунагъ лер: Дехибала датни, закят дурахъейсни, гялимтега вьгъзалике лехълейхъни. Ихди хябалра секлал багъандан гязаб урклуси сай ил адам» - или. ▶▶ 6



# Някъ уммайбарни — Исламлизиб хурматбирнила лишан

(Бехибхъуд — арбякъунси номерлизиб)

Даширая гъанна деклар-декларти кел мазгъабла чебяхъити гялимтала пикруми хердирехе.

Шамиль Зурпуканов

**Имам аш-Шафигила** ﷺ, мазгъабла пикри

Ибн Хияджар Гяскъалинини нушачи баахъиливан, ан-Навабини бурибси саби: «Сунела гябиддеш, ряхъатдеш, багъудичевдеш, хурматчевдеш ва илдачи мешути цархилти гялхити къиликъуни багъандан адамла някъ уммайбирули биалли, ил мустахъаб (гялхил чебиуси баркъуди) саби; эгер адам давлачев, арила вегъи виъни багъандан някъ уммайбирули биалли, ил декъи макругъ (уркъбяхъ) саби» («Фатхуль-бари», 11 т., 48 бяхъ). Пикри бяхъичаая, сен-сен бурилил ан-Нававили: «Эгер хиятта ил адамла хурматчевдеш багъанданра илала някъ уммайбарни асухъебирусилзи халбирули ахъен».

Аль-Бажурини иб: «Сай гялхиси адам виъни яра бугъудичевдеш ва гябиддеш ва илдачи мешути динна цархилти къиликъуни багъандан адамла някъ уммайбарни суннат (гялхил чебиуси)саби, давла, адатала ургаб хурмат ва цархилти иш дунъяла нигъматуни лерни багъандан уммайбарни — макругъ(уркъбяхъеси) саби»(Хияшият аль-Баджури, 2 т., 112 б).

**Абу Ханифала** ﷺ, мазгъабла пикри

Ибн Гябидинни ﷺ, буриб: «**Баракат биакъес багъандан гялимла ва динниче чекайзурси адамла някъ уммайбарес къадагъа лебси ахъен; бурили саби уммайбарни хиятта суннат саби или**». Шурунбулалони буриб: «Нуни багъурра, дахъалгъунти хядисунани някъби уммайдирни гялхил чебиуси баркъудиван(суннат) чебиакъули саби, иличила аль-Айниунни бурули саби» (Хияшият ибн Гябидин, 5 т., 254 бяхъ). Ца гъатли асхъабани ﷺ, буриб: «Джамигъу ас-сагъир» жузлизиб бурили саби: «Шамсу аль-Аиммати

ас-Сарахсиюни ва къанниван бетурти гялимтани, чус кери баахъес багъандан, гялимтала яра динниче чекабизуртала яра вирхуси пачала някъби уммайдирхъни асубирусилзи халбарахъили, кункъдеш аклахъубли саби...». Суфьяну ас-Саврили буриб: «Гялим адамла яра хялалси пачала някъ уммайбарни — суннат саби» («Бину аль-Хакъаикъ», (6 т, 25 бяхъ)).



**Ханбалала урши Гялхадла** ﷺ, мазгъаб хясибси пикри

Аль-Мазури викъусири: «Нуни Абу Гябдуллагълизи (Ханбалала урши Гялхад) някъби уммайдирничила хъарбаира, илини жаваб гиб: «Эгер някъби дин бузахъни багъандан уммайдирити диалли, илизиб къадагъа агара» («Гизау аль-Альбаб»).

Пурра Аллама ас Сафаринию викъусири: «Хяфиз ибн аль-Джавзини хядисла адатала чебяхъидешличила

гъанбуршули викъусири:

«Багъудумагъив умцусилис гялимтала гъалав мутигъили чеахъес ва сай увяхъварес чебси саби, ва ил мутигъидеш, цабутлан, някъби уммайдирнилизибра саби, Суфьян ибн Гуяйнали ва Фузайль ибн Гиязли, илдазивад цали — Хусайн ибн Гялила някъ, цархилли — Хусайнила къяш уммайдариб».

**Някъби уммайдарес асухъебирар бикъутала ташмишикъести далилти**

1) Анасличибад ﷺ, балахъуливан, Идбагличи ﷺ ца адам вакъили, хъарбаили сай: «Эй Расулуллагъ, эгер адамлис дин хясибси сунела узи яра юлдаш къаршиикалли, илис саламличил гябидатбарес асубирусив?» Идбагли жаваб гиб: «Юх». Илхели итилли хъарбаиб: «Ил гъашаили, илала някъ уммайдарес?» Расулли иб: «Юх». Итнини сагадан хъарбаиб: «Някъ буцили, цацабарес?» Идбагли жаваб гиб: «Ге» (Тирмизи, №2828). Ил хядис хярхиси саби. Нушала дев марбарес багъандан хурматчевси хядисуни руркъан Хяфиз аль-Иракъила пикри лебкехе: илини ил хядисла хярхидешличила имам Гялхадла ва аль-Байгъакъила «Мугъни» жузлизиб бурили сай.

2) Абу Гурайрачибад нушачи Гябаранини баахъибси хядислизиб буриливан, Идбагли ﷺ сунела някъ уммайдарес хъулухъунси палтар ибанничибад някъ гъарахъбариб ва иб: «Илкъяйда Гяжамтани(Гярабуни ахъентани) чула пачнас саби бируси, ну биалли пача ахъенра — хушазивад ца адам сайра».

Ибн аль-Джавзини нушази бурни хясибли, Аллагъли уркецъи барабну сунечи, ил хядис пикрибарибси саби, хярхиси ахъенну, баягъи пикрибарибси саби. Шаригъатла хлукмурти дурайсухъели, хярхити хядисуни хердирити ахъен, пикри-дарибтачила гъайра хедикъехе.

Илдигъунти ташмишикъести далилти гурра лер, амма иличила гъай духъянхедирехе, хаслира гъанна нушани агълю-суннала гъарлимарти салафитунала (Исламла гъалар-гъаларти хябал даршудсла динниче чекабизурти хала бегъити) ва илдигъетала пикри сегъунал балухъели.

Аллагъли нушаб кумекбараб бархъси секъал бархъли аргъес — балкъис балкъле! Аминь!

**Имам Маликла** ﷺ, мазгъаб хясибси пикри

Хяфиз Гялхад ибн Хаджар аль-Гяскалянини буриб, Имам Маликли иб: «Эгер чевяхъли чейахъни ва хамдеш багъандан уммайбирули биалли, ил макругъ (уркъбяхъ) саби, эгер багъудичевси, хурматчевси ва динниче чекайзурси адамла, Аллагъличи сай (гялхбаркь барниличивли) гъамиз багъандан, някъ уммайбирули биалли, ил гялхил чебиуси саби» («Фатхуль-Бари», 11 т., 84 бяхъ).

## Ислам ва вачарла адабуни

Ислам гъарил адамла ва жамигъатла гямрула лерилра шалубачи чебетаибси бархъси гъуни саби. Ил багъандан Исламла гъалабуни адамла гямрулизиб мягъничебси мер буцибси вачарличира чедетаиб, адатти ургар хялалдеш кадилзахъули.

Ислам Хиямзатов

Бегъла гялхиси давла нийятличил хялалси бузерилил ва хялалси вачарличил бучибси саби. Ишхелла игъбарагар вачрукъяла дигъанси байрахъ саби — «Виргъахъергадди бирцхъебирцид». Илгъуна гяхъярличил цалябяхъибси лебдешлизиб дунъяличиб баракат хебирар, ахиратлизив илгъуна хяррамси давлали сунела вегъи жагъаннабла цъализи арку.

Ислам хяррамси вачарличи къаршили саби, хялалдешгебли чумали кабизурли. Вачрукъя хялалдешлар хяррамдешлар ургабси чярта тугъличив сай. Сегъунти хялани чедидиркура илизир—хяррамси давлаличи гъаргъдеш яра Аллагълизибад урехи? Адатта ургарти бархъасуни, илдала лугъилизиб вачарра, Исламла чумаси хъулчилилизир диэс чебиркур.

Къуръа «Пагъа» сурализиб Аллагъли ﷻ адамличи хъарбариб: «**Дила Аллагъ, наб багъудлуми имцадара**»-викъахъес-. Хядис хясибли, Исламла багъудлуми лерни адамличи Аллагъла уркецъи саби».

Иш белкъли бусурмайс вачарла адабунала шайчирти камти, амма чараагартти багъудлуми гъаладирхъу, чунира гъирбикъуси шайтлан бячлахъес кумекбарести. Хяррамси батни, шайтлан бячни саби.

**Вачарла шуртри**

1. Вачарла бутлакъянчиби балугъла баъни.
2. Илди гякъула бегъити биъни (дагъриагарсилитил вачар хебиру).
3. Вачар саби гялхъулалли бирни.
4. Цали бицни ва итилли асни. «Нуни бицира», «Нуни асира» или.
5. Бирцуси хяррамси хебиъни.
6. Бирцусила къадар, битлакъ дурусли белгидиахъни.
7. Кабизурси багъа биъни.
8. Вачарла мас къилинра чебиъни (сукъурли чебиусилзи хербарархъес хъарбиру).
9. Агарсила вачар хебиру (хебаркъибси мукъара, гур дакъести цедеш ва ц.).
10. Вачрукъяс хайри бакъес имкан кални.

**Вачарла адабуназирад**

1. Вачарличил яшавбарес къасбарибсила, масала, ишгъуна нийят биэс чебиркур: «**Нуни вачарличибли хъалибарг напакъаличил глебуцес ва бусурмантас гялхбарес къасбирулра**». Илгъуна къасличил вачар бехибхъибси динна гъазаватлизивсилзи халиру.

2. Исламла къадагъабарибси саби хяррамти (хури, жакъни, держ, наркотикунни, дек, капурбиубси ва ц) дирцахъес ва исакъес. Хядисли буриб, держличи, илди дирусилити, илди дирахъусилити, пайдала дирусилити, дихусилити, дирцусилити, дужусилити, держакъес гъаладирхъусилити Аллагъли лягънат бушиб или. Игъбарла вегъи илдала лугъилизи кахъерхар. Ца дурхъаси валини иб: «**Хяррамси кепеклизивад мялкъамизни Аллагъла гъуйчир азир кепек харждарниличибра гялхси саби**».

3. Базарличивси вачрукъянани я туkenчини Аллагъ хъумуртуси ахъен. Илгъуна адам беккъибтала ургав мицъирсигъуна вирар. Хядис хясибли, базарличиб **Ля илагъа илля лагъу вахъдагъу ля шарика лягу лягул мулку ва лагул хямду, юхъийи ва юмишту, биядигъил хайру, ва гъува гяляя кулли шайъин къадир**. бучусилис азир кери дирар, азир балагълизивад упахъу ва даража азирна чеахъбиру гъайгъай, хялалси вачрукъяс.

► 7



## Бегти лаймабикидая

Нушани балуливан, шутни-кьумбачи бирхаурли, бахъалгунти нушала узбани чула бегти лаймабикидая саби. Цацабегитани ил баркьуди давлаличил бархбалсахъули саби. Давлачеввиалли адамли тухумдеш хъумурту, ирулира бирар. Цархилтани хъунри гяйиблизиди бурцу. Гъар шайчивад гялхил пикриухъалли, нушанира иргъулра: адам давлачеввиалли яра вайси хъунул къарширикалли, адам имцали вайла шайчи варсирар.

Ансар Рамазанов

Чевяхисили ۞ нушаб хъунула, дурхлира, давлага гити нушази бегти лаймабихъес багъандан ахлен. Иш дунъяличир нушала гямурулизир детарути – илди нушаб имтихянти сари, дахъалгунти анцбукъуназиб нушала Ахиратра илди имтихянтазибад дигахъуси саби. Чи-биалра бухънакабаибти бегти батурли, чина-биалра арякьи сай или аргъибхели, децигули бирар. Ахиратла бархиличи гъамдикни иргъахъули саби илгъуна баркьудили. Бухънакабаили или иш шаласи дунъяличир нуша бегтиачирад гъарахъидиркулра, Ахиратлизиб се биесара нушаб? Нушара духънакадиутира къалли, нушаб чили къуллукъбиру?

Мурул адамтани чула хъунрачи яра шутни-кьумбачи лехбизурли илкъяйда бирули саби. Беглара тамашабизеси, хъунри чула бегтиачила чеббугъхели, мурул адамтанира илдала гъай гьердурцули сари. Пикри бяхичаая: мурул адам шутни-кьумбачи ахъили виалли, илизир хъунул адамла къиликъуни дакълудулхъули сари, илгъуна адам жамигъатлизиб увяхиру, кимматагарирар, илала гъай мучлахъебиру. Бегтала хурмат барес гягъили биъниличила нушани мурталра иргъули дирехъе, сен-сабил нушала мурул адамти хъунрала шутни-кьумбачи лехбилзули саби. Амма гъар секлайзиб хъунул адамти гяйиблабирнира бархъси ахлен, мурул адамлизир адамдеш лер диалли ва хъунузи Исламли къадагъадирути хедирахъули виалли, хъунул вайта хериркьур. Сен нуша мурул адамтачи дугъадилзула? Сенахленну хъунул адам сунела бегтиачи къаршили кахлерилзан, мурулла бегти илис гъамти ахентиван саби ва илис деклардеш агара илдачил се бетааллира.

Хурматла узби, пикридухъеная, сецад цакъани харждариба нушала бегтани нуша адикъес ва баркъеличи дикахъес багъандан. Нуша багъандан илди сецад бузиба! Урухдираая Аллагълизира ۞! Цацабегитас цахбилзули ахлен, секъяйда чуни бухънакабаибти бегти батурли, саби курортунази яра илдачибад гъарахъси мерличи арбашулил бурес. Чинара нушала гъабзадеш, илкъяйда бирив нушала хала бегтани? Илдани нуша илгъуна бирахъесли дяркьуртирав? Пикридухъеная иличила, хурматла узби! Ца секлайчила нушани мурталра хъумуртула: нуша секъяйда хердикъули диахеллира нушала бегтиачи, илкъяйда нушала дурхли нушачира хербибар. Ил масъалализиб Исламла багъудила халаси къадри леб. Илдигъунти дагъриличил вегъиубсини Шаригъатли бегтиачи илгъуна херуди хебарес гягъили биъни бала. Ил багъандан, хурматла бегти, хлушала дурхлиса исламла багъуди бедая. Бегтиачил херирни цацабегитани цацадешлизи халбирули саби. Ил багъандан цацабегити хъунул адамти хъайчикабиимбад мура бегтиазибад декларли хербиес къайгъилизиб бирар. Чебиулраив, сунечи лягънат бакла илбисли секъяйда сунечи лехбилзути пайдалабирули? Хердикъехъе, саби бухънакабаибхели илдигъунтас чили къуллукъбирул.

Аллагъли ۞ нуша бархъси гъуйчи кадизахъаба! Амин!

## «Аллагъла Расулти» сабира илди?

## 1 « Илгъуна бирар

Вирхаэс къиянни саби, амма палчибани адамла гъарурла гямуруличила дурибти цуг-цугли далкадикни марбирути дахъал мисалти касес вирар гямурулизирад.

Илдани гъалахили дурибти гъарли-марли детарулира дирар. Дила ралликъянали ишгъуна хабар буриб ца халаси ва талихъебси хъалибаргла къисматличила. Камси заманала духлар ил хъалибаргла разити гямуру къядердиб, кахси бехлемцли хъалибарглизибад шел адам итил дунъяличи арбухиб. Халал узис гъалмагъ ураркъес цархилтачил варх хлекъунси вишгъал узидун калун мицдири. Ил кулпет сунечи бахъли херси, разидеш хеси анцбукъ мусибатличи шурбухъун. Сайцун калунси урши сегъуна гязабтазив уилриил, дила пикрили, ишаб буресра гягъидеш агара.

Гъачам, базарличир иличи ца хъунул адам гъамриуб. Илала уркли халаси дардли буцибси анцбукъличила, илала хъалибарглис бетаурсиличила буриб. Тамашавиубси жагъил адамли чинар ва секъяйда илини лерил секлал дагъуртил хъарбаибхели, сари сикърукъя рифъниличила буриб. «Хела хъалибарглис клами дарили сари. Цархилтас бетаурсила пайли хура ургуд жявли убкълуд...». Къалабали чула хъули раахъес тиладибариб. Жагъил адам пикриухъун, итгъира итгичиб анцбукъ вайси биес хебирар или, сикърукъя сунела хъули раахъиб.



шими-шагъуртала къакъурбазиб, базуртачиб, саби бегти салонтазиб (цали итиллис маслигъятбирули) бузули саби. Къакъурбазиб бузути сикърукъябала 1-2 процентцун саби. Ца бархила бухнаб илдани 2-10-личи бикайчи «клиентуни» чула къуллукъличил гьеббурцули саби. Илдазивад гъарилли 50-300 къуруш арцла лугули сари. Хъулир рузусини бархила бухнаб 2-10 адам «гъунчибиркахъули» сари. Салонтазиб бузути сикърукъябала багъни 500-7000-личи адиркули сари. Дигъянали бузути палчибала биалли 3-4 бархилис гъалабал ца бархилис «клиентунала» сияхли бицли бирар. Илдала даражаличи айкес гядатла адамлис къиянбулхъан, сенкун илдани сайсуси багъа 47-нали имцали саби. Россиялизиб сикърукъянабани дебали бахъал адамти биргъабургули саби.

## Дин ва палбуршни

Динни нушала гямурулизиб мягъничебси мер бурцули саби. Палбуршниличи, сикърукъядешличи, челябкъла гъалахили бурниличи ил, гъайгъай, къаршили саби. Иличибра имцали, бусурман адам палчици укъни хярамси баркьудилизи халбирули саби. Ил халаси бунагъ саби. Гиса идбагътебтанира палбуршни нясси ва хярамси баркьудилизи халбуриси саби. Амма лерилтра динаназиб ил лебсиван бузахъули саби. Цархилван буралли, кла дирули сари, пал буршули саби, челябкъаличила багъесра гъарилла къайгъи леб, хули агахъесра дирула. Дила пикрили, илдигъунти анцбукъуни камдарес багъандан, веги вирхуси динна ва хукуматла закони хясибли хериеэ гягъинбиркур гъариллис. Бусурманнис хяжатси ахлен сунела къисматличила хъарикъес. Амма, рахли, сен-биалра сунес кла барниличи яра хулиагъниличи адам шакикълули виалли, илизивад умувиеэ багъандан, Къуръаннизибад сура белчлахъес гялимличи дугъаизес гягъинбиркур.

## Гъарракни

Иш макъала белккъес багъандан, ишди бурхназир ну палчи хъунул адамличи гъарраклира. Яргаличи жагъти гямурула 6 хъунул адам глашлири. Ца сгъятла заманалис гьерги илди 13-личи абикиб. Ахирра-ахир цаибил дурарухъунхели, «Ну как?» или лебилра иличи бетухъун. «Гъар секлал дархъли дуриб...». Илала хял барсбиъни чебаэслири. Ила ракилра келра байхъалара сгъятцад херли калунра. Буруливан, херли кайъниличибра вайси агара. Илини гялхцад гъай дуриб, амма ну илцад-деклар тамашариахъес херируб... Хъули чарриубхели, ца пикрили наб паргъатдеш лугули ахленри. Ил сабри палчили гъар бархли адамтазирад дурчуги арцличила. Сунени бируси къуллукъла багъа 1000 къурушла сабри. Сунела хъули кариили – базли 200 азирцад къуруш... Палчибачи, сикърукъябачи вавшесра хешесра, илдачи вирхесра херхесра гъарилла ихтияр веглизиб саби. Амма хъумартес асухебирар, нушала дарданира децанира пайдаладарили, нуша диргъадиргили, давлачевбирути биъни илди.



Хъа бяхличи, гямзилабси уркъуйчи херрикълхели, илала хял барсбирули - къаркъала зерзербикулри, аргъала бархли бетихъулири. Ила баклибти унруби ва тухум гялхял хъунул адамли чедаахъибти мераначиб умцдербухъун. Илаб чебаибсилличи уркълухъун ва хякбизур члябарла гямзи кляпбируси уркълуйур, обойтаур, розеткабаур хергъути белкъланачилти кляпри, чянкъила бутъни ва «начурби» даргиб. Илдигъунти мисалти дахъал кес вирар.

## Лугъурби

Палчиби, челябкъуси балути, сикърукъяби веги-вегъла хъулризиб,

Масала, Москва шагъарлизиб 27 азирцад адам илгъуна аглизи бикиб. Илдани бархили, ургабил хясибли, 3000 доллар чула кисмази кадирхъули сари. «Хед дигуси хела шайчи витлакес, цархил хъунуйчи арякъунси мурул хъалибаргличи чарварес кумекбирис» бикълутала сари беглара дахъал «хялчи». Илдала «клиентунира» имцаливан давлачевтала хъунри бирар. Сикърукъябала хяракат телевиденилизера баили саби «Битва Экстрасенсов» бикълуси телепрограмма Россияла бахъал адамтани гапбирули саби.



## Дехлибала дархъдаптусилис лугути гIязабтачила баян

3   Имам Абу ХIанифани рахIимагъуллагъ ца хабар буриб: «Ца адам эбкIили бекIа бихъес арегIунра, нуни къиблалике изахъуле ихъира, ну хIяблизивад дураухъайчи ласбухъуне жаназани къиблалис къакъ гIиб. КIинайс къиблалике ка-бизахъурра гIурра ласбухъуне къиблалис къакъ гIиб. ХIяйна-авна нуни къиблалике бизахъура, хIяйна-авна саби ласбухъи, къиблалис къакъ гIиле, гIелум гуле бизур. ГIур ца тIамала бакъира: -Эй, Имам Абу ХIанифа, хIуни сай изубил хIализиве вати, мицIирлехIаллира изуле дехIибалидируле ахIенси виуб, Нуни эбкIибхIели къиблалике хIелзахъис» иле. Их тIама бакъибда их хIаллизив ватурле, кIапварира иле. Расулулагъли   иб: «ДехIиба хIедируси адамла зиян(вайдеш) кIелра шайкела унрабази верхIцIали хъайке биур» иле. «Муршиду Саликин» букIуй кунглизиб МустIафа ХIажи Накъшубанди гIялимни иб, Имам Гъазали икIар иле: «ДехIиба хIедируй адамла вайдеш Адам идбаглизибад   иш бархIики биубти лебилра бусурман халкъике биур» иле. Сен бирусив, илис далил се-саби или ибхIели, дехIибала дируй адам АттахIийятике кайиле «Ассаламу гIалайна ва гIяла гIибадиллагъи ссалихIин» ибил замайзи, лебилра бусурман халкъике их девла пайда биур. Их девла магIна гъар балагълизибад саламатдеш нушакера бахъаб, Аллагъла лебил гIяхIти лугътакира бахъаб, ибил магIна саби. ДехIиба хIедируй адамла лебху-си ахIдеш чарбируси сай, их адам сабабли гIелапти адамти махIрум биубти саби ил пайдализибад, их

дехIибала хIебируси адам халкъилис заяси адам сай, халкъилис вайдеш бируси адамра сай. Пабдула ибну Гумарли   буриб, Идбагни   иб иле: «ДехIибала хIедируй адам дин агар адам сай, къар-къайзиб бекIгъуна саби динна духIнад дехIибара. БекI агарли гIелабси чархизиб пайда агара, илчи мешули саби дехIибала хIедируси, гIеларти дубу-цари, закат дурасни, хIаж барни ва цархIилти гIяхIити гIамалти дарни файдали агарсни гъунапти сади» иле. ПIиса Идбаг   ца бархIи сафарлике дураухъун, ца шилизе духIнаирхур. ЦIакъле баракатла жагаси ши биубли саби. Их шила агълура Аллагълиз мутIигIти, цIакъле хулал гIибадат-гIягIат бирути халкъ биубли саби. ПIиса Идбагни   ихди халкъ кебаибхIали, Аллагъис шукру барили, сай хъули вакIиле сай. ГIур ургаб хулал замана арбакъунхIали кIинайс ил шили-зи вакIили, хIаръибхIали, их ши бехъуле, харабби-убли, шила агълу бекIили баргили саби. ПIиса Идбаг   тамаша виубли, Аллагълизи иб: -Я, Рабби, Аллагъ, ишди шила агълу се сабабли гъа-лак барибди? Аллагъла шейзикан жаваб бакIиб: -Эй, ПIиса, илди халкълиб сегъунабсира гIайб агара, наб бируй гIибадат гIабатур, цIакъле жага-ле наб гIибадатра бирули биуб, нуни гиле дахъал нигIматунера бихIули калун. Ца дехIиба хIедируй фасикъ адам вакIиле, ихдала шилизид дяхI дирциб, ихди дирцибте шин ихдала хIеркIлизи картIиб, их адамла баракат агни их ши бехъуб ва сунела агълу бекIиб.



Эй, узби ва рузби, хIуша пикридухъи, гIяхIил багъурли, хIушани хIушаб пайда касес къайгъи-биреная. Пайдаличи даэс, вайдешлизирад дердес. Аллагъ   викули сай сунела Дурхъаси Къуръайзив: «Нуни жиндрира инсантира ахIекIахъубра Наб лагъ-деш дарахъес багъандан ахIенси.» Лагъдеш дарнира, Аллагъ вагъурли, сунес дехIибала дарнилизиб, Сай гъануршнличибли саби. Аллагъли   гъарилличи ряхIму кабарили Сунела ирадатличибли, Сунела къудратличиблира, Сунела махлукъ Сай разиси гъунчи бархъааб.

## Хъалибаргла талихI—жамигIятлара талихI

(БехIбихъуд – арбьякунси номерлизиб)

Хъунул адамлис насихIятуни:

1. Мурулла хIурматбарес ва, шаригIятли белгибарилван, илис хIурматла мер декIарбирес чебир-кур. Къуръайзи белкIи саби: «Хъунул адамталайчир мурул адамтала ихтиюрти дахъал сари».

Амирхан Мирзоев

2. Мурулла арц мяхIкамдирен. Хъунуйзиб ихтияр агара мурулла ихтияр агарли илди харждирес.

3. Мурулла бегIтала ва тухумтала хIурматбирен ва илдачил чула рурси тяхIярли рирен.

4. Муруйс мурталра пишряхъи-ли гъунирезн ва иличил жаллизи кахIерерхес къасбирен, абзур бархIи къаршидиркути челукъутачил ил инжитхIейрахъес багъандан.

5. Мурул агархIели, ил хIурматличил гъаниркахъен ва цархIилтала гъалар иличила гIярзмарикуд.

6. Диги, уркIецIи, мукIурдеш чеди-ахъен. ХIед сунезибад дигуси секIал илис хIунира бедес къайгъизир рирен. Иличибли хIуни илала дигай сархид ва сунечи хIуни пикри бяхIчиаъни илини ахъли къиматлабиру.

7. Мурул адамличи лехIахъниличибли хIу уряхIрируд ибси пикри гъеч гъам-мабирахъид. МухIяммад Идбагли   бурибси саби: «Хъунул адамла бегIлара халаси ихтияр илала муруйзиб саби».

8. Муруй бедибси камли биалра, халасилизи халбарес ва ил багъандан баркалла багъахъес.

9. Хъунул адамличиб чебси саби му-руйчир къанни карилхъес ва иличир жявли арилзес.

10. Муруйзибад барес хIейэси секIал тIалабабирид ва, иличи ургIебли, илала бекIахъудила агиличи пикри бяхIчиээн. Сунела тиладибас лайикъ-си замана бурген.

11. Хъунул адамла жагадеш илала пасихIдешлизиб ва сабурлизиб саби. Мурул адамлизибад сегъуна-биалра хатIа кабикалли, муруй дурибти гъай ва дарибти баркъудлума ба-гъандан, илис хъунул ахирагарли гIяйибта хIериркъалли, ил секIал му-руй хасли къиматлабиру. ЦархIилти адамтала гъалар муруйс гIяйибта риркъес асухIебирар, сенахIенну муруйс ил секIал хIейгIбилзан.



12. Муруйзи хъунуйни ил разива-рести хабурти дурес гIягIнити сари ва ил вачавархахъести хабуртачила хIебагъахъес къайгъилизир риэс гIягIниси сари. Ил илала хъарихъли риэсра гIягIниси сари.

14. Чараагардеш акIалли, илини му-рул сунела сурсатуначил гIевурцу. Эгер хъунуй, сунела имкан лебли, къиянти аги-къайдализив ил гIевхIевцалли, сунечирти илала диги детахъахъес асубирар.

15. Сунела хъуна хIекълизив му-рул паргъатли виахъес багъандан, хъуна баркъудлума шаригIятличил

дурусдикибтили диэс гIягIнити сари. Хъунуй мурул жагадешличил разиварес гIягIниси сай, ил жага-сили, умусили риэс гIягIнибиркур, хIерируси мер умули бихIес чебси саби.

16. Хъунул чараагарли дубурцес гIягIниси сари, Аллагъли   хъар-баркъни хIясибли, чараагарти дехIибала диресра чебси саби. Илала дурарад суннатла дуббуцари мура

ихтияр хIясибли дурцуги сари.

17. Эгер муруйзибад хатIа каби-кили ва сунечи вакIили черрерх-ни тиладибаралли ил черрерхес гIягIниси сари. Иличиб илкъайдали чебси саби мура дигIяндешуни мяхIкамдирес, сенахIенну мура дигIяндешуни гъаргдарни Аллагъли-зирад   урухIгIуси хъунуйчи бал-бикибси баркъуди ахIен, ил къалли илала бирхауди бихъибси адам сари. Илкъайдали ил увведлугесра асухIебирар, сенахIенну сунела ил-дигъунти баркъ-бацIичибли зигаръа-ла акIахъес асубирар.

Магъардихънила ишдигъунти гIяхIдешуни лерти сари:

Цаибилгъуна, бусурмантала цахIнабик дебабикIни ва халабъни. КIиибилгъуна, къаркъа ва уркIила ряхIятдеш. Адамли хъайчикайгъниличибли цархIил тяхIярли баргес хIейубси ряхIятдеш бургу. Къуръаннизиб белкIни хIясибли, магъар дихъни – къаркъа ва уркIила ряхIятдеш сархни саби. ХIябъибилгъуна, адабдеш дихIни. ЖамигIятлизира адабдеш дихIес ва хIялалагардешлизибад мяхIкамиэс ба-гъандан, Идбагли   хъарбариб: «Эгер хIушачи, сунела адабдешличи ва Ал-лагълизибад урухIгIудешличи ташмиш-деш агарси адам сукни вакIалли, илис хIушала рурси редая. Ил хIебарадалли, дунъаличир бархидеш ва хIярмдеш тIинтIдирар».

Авъибилгъуна, къам даимбирни. Аллагъли   адам кIел бегIтазивад алкIусили виахъубли сай – мурул адам-лизибад ва хъунул адамлизибад. Ис-ламли саби хъайчи кабиайчи мура ва хъуна ургабси бархбас къадагъабариб-си саби. Илкъайдали дурхIя магъарли-зивцун акIубсили виэс гIягIниси сай.

Шуибилгъуна, тухумдешла бархбасу-ни дягIудиъни. КIел хъалибарг цадиру-ли сари, илдала ургарти бархбасуни ва диги цIумадирули сари. Магъарли му-руллара хъунуллара ургаб цалис цали кумекбирни гIеббурцу. Хъунуй мурул-ла баркъудлумазиб илис кумекбиру: хурег хIядурбиру, палтар ицу, умудеш гIеббурцу, дурхIнас бяркъ бедлуга. Му-руй хъуна хIяжатдешуни кункдиру, ил гъар се-секIайзирад гIеррурцу. Илкъайдали, исламла ЧевяхIсила   законгачил гIямрула дахъал шалуби баяндирули сари. Исламла къанунта-чи чедетаахIелли, Нуша Аллагъла   уркIецIиличи, Илала   ахирагар сахаватдешличи ва Ил   нушачи разивъниличичи аркура. Иличибли гIяхIдешличиб, узидешличиб ва вавалибяхъибдешличиб дебабубси цIумаси жамигIят тIашбатес виарар.



## Ислам ва вачарла адабуни

**4** «**4.** Исусилис виргъивиргес асухлебирар, бирцусила къаяв дигъанбарилли, умцанти далккли кадихъили яра царал шилтахъ барилли. Ил – хйрамси саби, бунагъла. Хиядис: «Къяна буриси нушазивад ахлен (ил бусурман ахлен ибси саби). Камсилра битлак камбарни хйрам саби». Амма царал хиядисли, «Къалпагарси вархъси вачрукъя Къиямала бархли идбагуначил, садикъинтачил, шагъидуначил вирар» (садикъун-Аллагъла марси къуллукъчи). Исламлизив шилтахъси вачрукъя севан увяжлил, къалпагарси вачрукъяла даража севан ахълил Къиямала бархли – идбагуначил варх. **5.** Бирцуси чеимцали гапбириси ахлен, дугагати къулайдешуни дурули. Вачарлизиб хаслира декиси заралла саби къянала хъя, сенкун илини лерилра дирцутала баракат убису. Хиядис: «Хъяли секлал бицахъес къумекбиру, амма хайри убису». **6.** Дичес тлаабдарибти, халкълис хйжатхели, дурхъадаачи дигъандарни бунагъ саби. Хиядис: «Наагъ чили-бисла берк-бержла гъягъниахъала 40 бархли тлашаалли, клинайс лерилра садакъадаралра, ил садакъали илди тлашагънила бунагъ ихълейхъу». **7.** Базарличир (тукейзир) багъни бархиличир бархли дурхъадиклухели, бирцуси 3 бархила чеди хлебицили тлашаэс асухлебирар, багъни гъяшдиклухели 40 бархила чеди. Ил бунагъ саби рахли халкъ хйжатли биалли.

**8.** Бигунси яра иличила ташмишгъала аклубси гъарахъли батни къулайли бирар. Илгуна хйрамси асибси, Ислам хйсибли хъулкидешла бутлакъянчи сай. Хлебиалли, бунагъкарра ветарар. **9.** Урхла вачар бузхели, вачавархес, гымуклес асухлебирар, сенкун хлед къадарси чилилра тлашаэс хейрар. **10.** Базарличи жъвли ваклесван арукъесра асухлебирар. Дурхъали бицес или, царайзибад лебилра мас асес, ил сабабли базарличи лябкъутас гъала вашес къадагъаси саби. Хйрамси саби чула хайри имцабаихъес чумал адам вягдалабиубли багъни ахъдурцнира. Базарличир дехлибала урхедалта, хаслира жумягт бархила. Урдаталли, вачар хйрамси бетарахъу, илдазибад баклибси кепекра. **11.** Базарличиб дурхъаси секлал (ваяхл) исухели, бикъруми биъни къулайси саби. **12.** Чебалис бицибсила багъа вягдалис гъалаб тлаабхлебиру ва ц. Хйрамси арцла садакъа хлебиру, хйрамти арцилизибад садакъабарни нясдиубти палтар жихли дирцибтигъуна саби. (Хиядис хйсибли). Иман лебсини сунес барилли хейгуси царайсра хлебиру. Дунъалис ахират бирцуси бунагъкарлизи Аллагъ дугъайзур: «Ху Набчил къаршиикайчи, хлуни хела зягипси чархлици уркецибара». **Илала мягъна:** Нуни къадагъабарибси, хйрамси тйидихебарадли, ху Набчил къаршиикибхели, Нуни хлечи уркецихлебирис.



Вачрукъяс хйралсилара хйрамсилара ургабси дазу буэс асухлебирар.

### Вачар белхъни

Наагъ вачрукъяни исусилизи «Нушала вачар белхъес гъеч асубириси ахлен» алли, илини шаригъятли асубирахъуси къадагъабирули сай. Ил – гуж саби, зулму, бунагъ. Вачар бехъес асубирар вачрукъяра исусира декларбикайчи: **а)** Халаси хъулиб – ца арукъес ласухъи къакъбарайчи; **б)** Бишгъаси хъулиб – ца дуравхъайчи; **в)** Къакъбалиб, майдайчиб – арукъес къакъбарилли чумал ганз кацйайчи, барх ца шайчибяхл батхихили биалли — декларбикайчи; **г)** Шартличил барибси вачар, масала,

3 бархли пикриухъни, 3 бархили заяхлебиалли, 3 бархили балусилизи чебаахъес, 3 бархили пашман виалли. Илдазибад ца шартли биалли, вачар бехъес вирар.

**д)** Вачарла замана вачрукъяни дигъанбарибси, исусилини чехлебаибси асибсила багъа гъяшбириси къаяв багъарбухъаллира, вачар бехъес асубирар. (яра багъа гъяшбарес). Масала, буркъа ахенси машинализиб нуксандеш даклубиъни яра бурхле халали чебаахъес къял хлебизили батни – къяна бурнилизилли, исуси адам виргъивиргнилизилли халбирар. Илра вачар бехъенилиса сабаб саби. Амма буркъа машинализиб моторла аги пергерси хлебиъни якъинбиъни вачар бехъес шартли ахлен ва ц.

## Зикрула дурхъадешла баян

Имаму Рабанини буриб–Зикру или ириси сен-сен имкан баклаллира гъапудеш ахъбарнилис саби. Зикру ибси дев къантбириси ахлен «ла иллагъа иллаллагъ» ибсилчи яра «Аллагъ, Аллагъ» ибсилчи. Гъар амрулис мутигъиваклинира гъар нагъю барибси батнира (чар виънира), лерилра кадурхули сари зикрулизи.

Къурбан хйяси Аль Цудахъари

Амма «Ла иллагъа иллаллагъ» ибси зикрули «Аллагъ, Аллагъ» ибси зикрулира хъархъли асарбиру. Аллагълизиб дигира бутгали бурцахъу, гъамли Аллагъличира вилахъу. Шаригъятла дазурби дихлиничибли биубси зикруличи вилахъуси василара саби. Шаригъятла лерилра хлукмурти дихлини идбагличи таманси диги хлебиалли, имкан хлебикур. Иш таманси диги бигъунси саби Аллагъла ﷻ сифатуни гъандушничичи. Анцбукъ (хйянчи) ихкъяйдали биубхели, сенал гъамал агара беггъалаб иш зикру хлебарилли. Иш зикру сабабли хйсул билахъес багъандан амрутас мутигъиваклини, нагъю барибсиллизивадли чарвиънира.

### Зикрула дурхъадешла хлекълизиб

Хуни багъи, зикру тлагъятла бегъла дурхъаси биъни. Калунти лерилра тлагъятун дунъа хъарахъниличирли хъаркайхъути сари, зикру ахленти. «Лавакъихул анвар» биклуси кунглизиб леб: «Алжанала агълу алжанализиб зикруличи даимкабирути саби. Ца-царал тлагъят дунъа каберхлиничибли хъаркайхъуси саби, Аллагъ ﷻ

гъанушни ахленси (зикру ахленси), зикру бирни хъархлейхъур. Зикру муъмин адамтас дунъяллизибра ахиратлизибра даимкабиубли бирар». Иш бурибси секлал хлед къарар биалли (багъадли) хлуни багъи, зикру-дунъялара ахиратлара гъар чебяхлешлици вилахъуси



сабаб биъни, зикруни шайтан гъабирхъуси биънира, Аллагъ разивириси биънира, зикрули адам Аллагълизивад уруклули виъниличира вилахъу, Аллагълизиб дигиличира, Аллагъличи вяхчивизниличира вилахъу, Аллагъличи чарухънира сунечи гъамдеш дарнира бутгали бурцу, сунела бунагъхагъа урдуцила къагура ибхъу. Зикрули лагълизи (адамлизи) Аллагъ халаварнира бутгали бурцахъу.

Зикрули уркулурбира мицдиркайру, ризкъи–гъар бухъала маркани-забли мицдирдируйчи мешули. Зикру рухланала беркала яшав саби, хлегълизиради урклиби умудирисира саби, пикрилизи нур бутгали бурцахъусира саби, бунагъуни камдирахъусира саби,

Аллагълара лагълара ургабси цундеш убисусира саби, лагъли сарли гъандуршуту тасбихлатунанира (субханлалагъ) такбиратунанира (Аллагъу акбар) тагълилатунанира (ла иллагъа илла лагъ) тахлимадунанира (альхамдулиллагъ) сай лагъра гъануршу гларшла алав. Лерилра гъибадатуни лагълизиради чераркъян къиямализира Алжанализира Аллагъ ﷻ гъанушнила зикру ахленси. Зикруни адам Аллагъличи ﷻ гъамиру.

Зикру адамлис сабаб саби сунечи рахлътдеш хъурабиънилис, сай малаикунани алавуцилисира, сунела шулги малаикунани хъурабиънилисра, Аллагъла ﷻ уркецилини сай клапварнилисра. Зикруни инсан гелав гъайвиклилизивад чарвириси сай, къяна угънилизивадра чарвириси сай, гъар батлулли биубсиллизивадра чарвириси сай. Зикру бириси адамличичи кайибси (цалавикибси) сенал шаргила хейрар, сунечил кайънира къиямализиб гъяхлешли бирар вайдешли бирхлебирар. Висра висули зикру барни даимиси гъяшла дяхлцила виънилис сабабли бирар. Чи виаллира зикруличичи машгулвиубли, тилавиклилизивад чариубли, Аллагъни ﷻ сунес деддуга Сунези тиладибиклугас деддугутала дегъла гъяхли. Зикру бирни Алжанализи галгуби удатни саби, сай цализивад хасарватнила сабабра саби, Аллагъ хъумартнилизивад имин виънира саби. Зикру лагълис (адамлис) дунъялизибра, хйблизибра, къиямализибра нурли бирар. Зикру валидеш тинтидириси, валиби бетарахъуси секлал саби. Зикру уркулурби умудириси дарман саби, уркилизивад къасаватдеш убисусира саби, Алжанализи кархахъусира саби, Аллагъ дигнила асура саби. Гъапудеш Аллагъличичи душмандеш дарнила аслу саби. Зикруни къиян – жапа вайдешлуми чердетисуси саби, нигъматуни гъяхлешлуми тлаабдирисира саби, Аллагълира ﷻ малаикунанира Салават бушни чеббирисира саби. Зикрула мажлисра Алжанала диркъурбазибадди диркъа саби.

Хъарахъуд бирар...



Ассала мугъялайкум! Дила хушази ишгъуна суал леб: дурхъя сунечив ватурли Россиялизи арякъунси мура хъунуй се барес гъягъниси? Ил хъунуйчи зянкъикъули ахъен, лукъули ахъен, хъунуйс ва дурхъялис кумек-бирули ахъен, хъунуйс биалли муруйчи чаррухъес дигули ахъен. Нуни илизи аргъахъира, хъунул муруйчи лехъирхъес чебси саби ва, эгер муруй илис дехъибала дирахъес къадагъабирули хъейалли, пяхъикъули хъейалли, ил илизирад декъаррикес хъерирар или! Амма ил нягъадаллагъакаризурли сари мурул жавлил, къел дусцад гъалавал, арякъи сай ва сунес урусличил вершадеш дирули сай или! Илини се барес гъягъниси?

Вагъялайкум ассалам! Цаибилгъуна, эгер муруй сунела хъунул бекъахъудиличил яра мурулла чебла ихъниличил гъеррурцули хъейалли, хъунуйзиб ихтияр лебси саби муруйзибад сунела чеблума ихъахъни яра декъарикни гъалаббарес. Къелра тяхъярлизибад мурул гъелумилзули виалли, хъунул имамличи дугъаризес рирар ва имамли, лерилра аги-къяйда пикрилизи касили, хъунул адамла мурулличил ихтилатбарили (эгер мурул адамли сунела чеблума ихъули хъейалли (хъер. «Канзу Рагъибиннизибси» «Магъар» бикъуси бутъа), илдала магъар бехъес вирар. Сенсен биалра, хъуни бедибси суайзиб се сабил хъебурили саби или гъанбиркули саби, ва, хъуни бедибси суайс жаваб чарбарес багъандан, ил дебали мягъичебсила биэс асубирар. Цахънаб касибхъели, магъар ихънила масъултазив гъарилличи декъарли гъамирес чебиркур, ил багъандан хъунул адамлис илди масъултазив узуси гъялимличи дугъаризес ва илала жавабличил лехъризес чебиркур.

**Нуни бакъира малаикунала мурул хъунул жинсани лерти ахъен или. Бархъсив ил?**

Малаикунли нурлизибад барибти саби, илдала мурул жинсра хъунул жинсра лерти ахъен, илди къацли букути ахъен, ши бужути ахъен ва илдазиб декъар-декъарти куцани дарсдирес имкан лебси саби.

**Ну изухъели нуни дехъибала къиблала шайчи шурухъи дарес хъейгъубра. Нуни илди дехъибала черахъили дарес гъягънитив?**

Дехъибала дирухъели, адам къягъбала (къиблала) шайчи шурухъес вирули хъейгъалли, изала багъандан, селизи-биалра вигъни виалли, илини дехъибала сай вируси шайчивяхъи шурухъи диру, амма гъур илди дехъибала черахъили дарес хъяжатбиркур. («Игъянагу ат-Талибин»).

**Хъунул адамлис жумягъла дехъибайчи мижитла рашес асубирару?**

Жумягъла декъибайчи вашни – гъарил балугъла ваибсила, гъякълучевсила ва азадси бусурман адамла, цархъилван буралли, мурул адамла чебла саби. Жумягъла дехъибайчи башес мурул адамлисван хъунул адамтасра асубирули саби, амма чебла ахъен, илхъелира илини сунела муруйзибад яра сунес хъеруди бирутазибад ихтияр сасес гъягъниси саби. Жагъилти рурсбас дехъибала хъулир даралли гъяхъиси саби, мижитла хъебкъи. Иличила Идбагли ﷺ бурибсири, Умму Хумаидали сари мижитла рашахъес тиладибарибхъели.

**Азанна тIама б и к ъ у х I е л и , тIашилзес ва илис жаваб лугес гъягънисив?**

Азаннис жаваб лугес – ил бекълибиубси суннат саби, амма адам чина-биалра аркъули виалли, ва ил замана азан бучули биалли, илис тIашилзес суннат ахъен, ва илис кайэсра хъяжатли ахъен, азаннис жаваб бедес багъандан.

**Мицъирхъели зикру барес асубирули саби, Къуръан белчъахъес асу бира-ру хъебирару ?**

Мицъирхъели зикру белчъес асубируливан, къуръанра белчъес асубирар, белчъалли керира бирар.

**Дугъярти шиннизи ца камти руржути шин дархаили, вана-дарибти шинничил дазала дарес асуби-русив?**

Берхъила удир язла тIялхъянализир ванадиубти шинничил дазала дарес карагъатли (асухъебирули) бирар, амма цархъилти умути шин секъяйда вана-дараллира зарал хъебирар. Дазала дебали дугъярти яра дебали дуцъарти шинничилра дарес карагъатли бирар.

**ХатIа гъарбарни!**

Арякъунси номерлизи кабяхъибси «Сафар базлизиб Ахир абягъI» бикъуси макъалализиб хатIа арбяхъи урбухъун. Ил гъарбирулра: Сафар базлизиб Ахир арбяхъI 2012 ибил дусла январъла 18-личиб бетарули саби. Нушани батурси нукъсандешличирад чер-дерхни тиладибирулра.

**Хъурматла узби ва рузби!**

2012 ибил дуслис «Ас-салам» газеталис къулбасбирес даимбиубли саби. Газета къулбасбарес вирар чиди-дигара почтала отделениелизиб. Илкъяй-дали Дагъиста лерилра районтазибти нушала хъянчизартачибад. Дусла духънар дурадълхъути газетабала багъни: дарган мезла 247 къуруш, урусла мезла – 535.

Дирхулра, нушала бучанти газета агарли кахъевлан.

**Шейх Мухъяммад-Гъярифла уличилси Дагъиста Исламла университетли**



Балахъули саби бархъехъла отделениелизиб бучъес хъулбикъути, бузерилизибад яра белчъудилизибад къябхъебердилли, динна багъуди касес дигути матгъал къябулбирниличила. Исламла багъудлума касили, хъушани хъушала хъулрази ва жамигъятлизи Исламлизибад иртъуси ахирагарси гъяхъдешла кахъебурхуси шала леб-

хидая. Илини хъушаб керила баркъудлума дурадуркъахъес кумекбиру. Бучъахъес къябулбиру 14 дусла гъямруличибад бехъибхъили, лебилра хъулбикъути, ихтилатбарнила хъулчиличиб.

**Мурул адамтани ва хъунул адамтани багъуди декъарли кайсу.**

**Белчъудила замана:**  
Программа 3 дусла саби.  
Белчъуди таманбиубли гъергъи хъулбикъути ДИУ-ла хъерила отделениелизи бурцу.  
Дугъадизес иш гъергъиси адрес хъясибли дирудая: Мяхъячкъала шагъар, Дахадаевла уличилси къякъа, 136.  
Шейх Мухъяммад-Гъярифла уличилси Дагъиста Исламла университет (БекI мижитла мер-мусаличиб), шагъарла корпус, 5-ибил дерхI.  
Дурсри дехъидирхъути сари октябръла цаличирад.

**Телефонти:**  
мурул адамтас: 8-988-771-10-20;  
хъунул адамтас: 8-988-420-46-48.

**Дила уршилис мехъ бирухъели, уршилис шеро карируси рурсила дудешли ну вакил варира магъар дихъахъес, дила уршилира нунира дякъи магъар дихъахъира, их секъал хайри бирару, уршира дила рурсира дила ретарули сари?**

Ге, рурсила дудешли уршила дудеш вакил варес вирар урши-рурсила магъар дихъахъес багъандан. Илгъуна магъарла цIакъ леб, иджаб (магъар дихъни) уршила шайзибадди саби, дудешла шайзибадди ахъенну. Ил багъандан, никяхъI барахъес уршили дудеш вакил варалли, ил рурсила дудешлира вакил варес хъейрар, Шаригъят хъясибли ца адамли рурси шерира редили ил къябулраресра хъейрар. (Тухъфатуль Мухътаж ли Ибни ХIаджар Аль-Гъайтами).

**Рузнама**

**Февраль**

дни	Утрений Ас-СубхI	восх.	Обеден. Аз-Зугър	После-обеден. Аль-ГIаср	Вечерн. Аль-Магъриб	Ночной Аль-ГIишаъ
1	6:23	8:02	13:03	15:39	18:04	19:30
2	6:22	8:01	13:03	15:40	18:05	19:31
4	6:20	7:58	13:03	15:42	18:08	19:34
6	6:18	7:56	13:03	15:44	18:10	19:36
8	6:15	7:53	13:03	15:46	18:13	19:39
10	6:13	7:51	13:03	15:48	18:15	19:41
12	6:11	7:49	13:03	15:50	18:18	19:43
14	6:09	7:46	13:03	15:52	18:20	19:46
16	6:07	7:44	13:03	15:54	18:22	19:48
18	6:05	7:41	13:03	15:56	18:25	19:50
20	6:03	7:38	13:03	15:58	18:28	19:52
22	5:59	7:35	13:03	16:00	18:31	19:55
24	5:56	7:32	13:02	16:01	18:33	19:58
26	5:54	7:29	13:02	16:03	18:35	20:00
28	4:51	7:26	13:02	16:05	18:38	20:03
30	4:48	7:23	13:02	16:08	18:41	20:05

